



Халқ сўзи

Ўзбекистон — келажаги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2018 йил 30 март, № 62 (7020) Жума

Сайтимизга ўтish учун QR-коднинг телефонингизга орқали сканер қилинг.



Ўзбекистон Республикаси Президентининг ФАРМОНИ «ОБОД ҚИШЛОҚ» ДАСТУРИ ТЎҒРИСИДА

Мамлакатимизнинг бой ва қадимий тарихидан маълумки, аجدодларимиз томонидан маҳаллаларни ободонлаштириш ва бунёдкорлик ишларини амалга ошириш энг бебаҳо қадрият ва анъаналардан ҳисобланади. Мазкур қадриятларимизни изчил давом эттирган ҳолда кенг кўламли бунёдкорлик ишларини барча ҳудудларда амалга ошириш орқали қишлоқ аҳолиси учун муносиб шароитлар яратиш ва уларнинг турмуш маданиятини янада юксалтириш, энг асосийси, ёшларни хайрли ишларга даъват этиш алоҳида аҳамият касб этади.

Хар қим ўзи яшайдиган уй, маҳалла ва қишлоқни ободонлаштиришда ҳиссасини қўса, юртимиз обод бўлади, обод юрtdа яшайдиган одамлар кайфияти яхши бўлиши таъминланади.

Шу билан биргаликда, мамлакатимиз аҳолисининг 49 фоизи яшайдиган қишлоқ жойларда салмоқли демографик меҳнат ва иқтисодий салоҳият жамланishiга қарамадан, улар учун зарур шароитлар яратиб берилмаган, турмуш даражаси ва сифатини оширишга етарлича эътибор қаратилмаган. Жумладан, сўнгги йилларда пахта, ғалла ва бошқа қишлоқ хўжалиги маҳсулотларини етиштиришда ҳиссаси юқори бўлган деҳқон-фермерларнинг ва бошқа тоифадаги аҳолининг ҳаётий-маиший эҳтиёжлари тўлиқ таъминланмаган.

Бундай ҳолат қишлоқ аҳоли пунктларини тубдан қайта янгилашдан ва уни ижтимоий-иқтисодий ривожлантиришдан, мамлакатимизни замонавий ривожланган давлатга айлантиришга тўсиқ бўлмоқда. Хусусан, ҳудудларга таширлар жараёнида жойлардаги ҳақиқий аҳвол билан танишиш, бевосита маҳалла ва хонадонларга кириб бориш ҳамда аҳоли билан мулоқот натижалари қуйидаги тизимли муаммолар мавжудлигини кўрсатмоқда.

Биринчидан, маҳаллий ҳокимликлар, "Давраштектурилиш" кўмитасининг ҳудудий органлари ва ҳусурий уй-жой мулкдорлари ширкатлари томонидан шахарсолик меъёр ва қоидаларига амал қилмаган ҳолда, бино-иншоотлар ва уй-жойларни тартибсиз ва ўзбошимчилик билан қуриш ҳолатларига чек қўйилмапти. Қурилиш ишларининг қишлоқ ва маҳалла даражасида комплекс ёндашувлар асосида олиб борилмаслиги оқибатида қишлоқ аҳоли пунктларининг меъморий қиёфаси эскича кўринишда қолмоқда.

Иккинчидан, Уй-жой коммунал хизмат кўрсатиш вазирлиги, "Ўзбекэнерго" АЖ ва "Ўзтрансгаз" АЖнинг қуйи тизим корхоналари томонидан қишлоқ аҳоли пунктларида ичимлик суви, газ ва электр тармоқлари, трансформатор пунктларини эксплуатация қилиш қониксарис аҳволда олиб борилиши оқибатида зарур инфратузилмалар эскирган ва яроқсиз аҳволга келиб қолган.

Учинчидан, шаҳарсозлик меъёр ва қоидалари ҳудудларнинг ўзига хос хусусиятларига мослаштирилмаганлиги оқибатида қишлоқ аҳоли пунктларининг меъморий қиёфасини яхшилаш, хусусан, мазкур ҳудудларда автомобиль йўллари ва йўлбўйи инфратузилмаси барпо этиш, ободонлаштириш, кўкalamзорлаштириш ва ирригация тизимларини барпо этиш тартибсиз равишда олиб боришмоқда.

Тўртинчидан, маҳаллий бюджетлар ва тармоқ ташкилотлари томонидан қишлоқ аҳоли пунктларида бунёдкорлик ва ободонлаштириш ишларини комплекс тарзда амалга ошириш учун молиялаштириш тизими йўлга қўйилмаган.

Бешинчидан, энг ачинарлиси шунки, аҳолининг айрим қисмлари шу аҳволга кўниккан, боқиманчалик кайфиятига берилиб кетганлиги оқибатида ўзининг уй-жойлари, ховлиси ва томорқасини сақлашга эътибор қаратмай қўйган. Халқимизнинг "Қуш иницида кўрганини қилади" деган нақлини эсдан чиқариб, ўз оstonасини осойишта ва саранжом қилмаслик фарзандларимиз ва невараларимиз тарбиясига салбий таъсир кўрсатмоқда.

Олтинчидан, ободонлаштириш ишларига фаоллар, кенг жамоатчилик ва фуқароларни жалб қилишга етарлича эътибор қаратилмагани ва аниқ бир тизимли самарали ишлар олиб борилмагани. Аиникса, мазкур ишлар сектор раҳбарлари, маҳалла фуқаролар йиғинлари, хотин-қизлар кўмиталари ва Ёшлар иттифоқининг ҳудудий бўғинлари эътиборидан четда қолган ва бу борада қатъий ташаббускорлик ва мувофиқлаштириш етишмади.

Еттинчидан, ҳудудларда анъанавий бўлиб қолган ҳашарларни фақатгина "Хўжақўрсин" учун байрам кунларига яқин саналарда юзаси ўтказиш олат тусига кирган. Юқоридагилардан келиб чиққан ҳолда, қишлоқ аҳоли пунктларининг меъморий қиёфасини тубдан янгилаш, йўл-транспорт, муhandислик-коммуникация инфратузилмаси ҳамда ижтимоий соҳа объектларини барпо этиш ва шу асосда аҳолининг турмуш маданиятини юксалтириш ва дунёқарашини кенгайтириш мақсадида:

1. Белгила қўйилсинки, жорий йилнинг 1 апрелидан бошлаб республиканинг ҳар бир тумани ва шаҳарида, авваламбор, олис ва табиий иқлим шароити оғир ҳудудларда 2018 йилда 2 тадан ва келгуси йилларда 3 тадан қишлоқ (маҳалла)да аҳолининг яшаш шароитларини тубдан яхшилаш, турмуш тарзи ва даражасида сезиларли ижобий ўзгаришларни таъминлашга, мазкур қишлоқ (маҳалла)ларнинг қиёфасини замонавийлаштиришга ва унда истиқомат қилувчилар учун иш ўринларини яратишга қаратилган "Обод қишлоқ" дастури (кейинги ўринларда дастур деб аталади) амалга оширилади.

2. Қуйидагилар дастурининг устувор мақсадлари ва ҳаражатларининг асосий манбалари этиб белгилансин: **Биринчидан**, республика бюджети ва давлат мақсадли жамғармаларидан ажратилмаган маблағлар ҳисобига аҳолини ишонли тарзда ичимлик суви билан таъминлаш, сизот сувлар сатҳини пасайтириш, қишлоқларни туман маркази билан боғлайдиган йўллари қуриш, реконструкция қилиш ва таъмирлаш, шунингдек, лизинг асосида қишлоқ ва туман маркази орасида автобус қатновини йўлга қўйиш;

(Давоми 2-бетда).

Дунё нигоҳи

«АФҒОНИСТОНДА ТИНЧЛИК ЎРНАТИЛИШИГА УМИД ПАЙДО БЎЛДИ»

Афғонистон бўйича "Тинчлик жараёни, хавфсизлик соҳасида ҳамкорлик ва минтақавий шериклик" мавзuidaги Тошкент конференцияси дунё масс-медиа майдонида қизгин муҳокамаларга сабаб бўлмоқда.



Хусусан, АКШнинг энг кўна ва таникли журналларидан бири — "The Atlantic" (1857 йили Бостонда ташкил қилинган) чоп этган мақолада "Афғонистонда тинчлик ўрнатилишига умид пайдо бўлди", дейлади.

"Бундан қарий бир ой муқаддам, — дея ёзилади нашрда, — Президент Муҳаммад Ашраф Ғани "Толибон" ҳаракати билан ҳеч қандай шартларсиз тўғридан-тўғри музокаралар бошлаш таклифи билан чиққан эди. 27 март куни Тошкентда йиғирмадан ортик мамлакатлар ҳамда халқаро ташкилотлар вакиллари Афғонистондаги вазиятни барқарорлаштириш йўллари муҳокама қилдилар. Булиб ўтган учрашувлар жараёни ва яқини кўпуб қузатувчиларга мамлакатда тинчлик эришиш истиқболига умид билан қарашга имкон бермоқда".

Ўз навбатида, "World Affairs Journal" таҳлилий портали (АКШ)да келтирилишича, Ўзбекистон Президентининг Афғонистондаги ихтилоф унинг халқига четдан тикиштирилгани ҳақидаги сўзлари ниҳоятда муҳимдир. Веб-сайт журналистлари ўтган йиллар мобайнида юз минглаб беғуноқ инсонлар уруш қурбони бўлиб, миллионлаб одамлар ўз уйларини ташлаб, қочоққа айланганини қайд этади. Мақола муаллифлари Ўзбекистон раҳбарининг халқаро террористик ташкилотлар Афғонистонни ўзининг доимий маконига айлантириб олишига йўл қўйиб

бўлмаслиги хусусидаги фикрининг ғоят долзарблигига аҳамият қаратишган. **Хитойнинг "Синьхуа" янгиликлар агентлиги** ҳам Марказий



Осиёдаги тинчлик ҳамда осойишталик Афғонистондаги вазият би-

лан чамбарчас боғлиқлигини маълум қилган. Ушбу давлатда барқарорлик ҳукм сурса, бутун минтақанинг изчил тараққиёти, инсонлар фаровонлиги ва савдо алоқалари ривож таъминланади.

Нью-Делида жойлашган **Сиёсий тадқиқотлар маркази директори Удай Бхаскар Ҳиндистоннинг марказий газетаси — "Hindustan Times"**да мазкур масалани қаламга олди. У ўз мақоласида агар дунё

hindustantimes



TASHKENT CONFERENCE ON AFGHANISTAN
"Peace process, security cooperation and regional collaboration"
2018 MARCH 26-27
Tashkent, Tajikistan

ҳамжамияти Афғонистонга нисбатан савий-ҳаракатларини мувофиқлаштирмас ҳамда урушаётган томонларнинг тинч музокараларга чорлаш учун уларга босимни қўяйотирмас экан, афғон муаммосининг ҳал қилиниши яна узоқ йилларга қўзилиб кетиши мумкинлиги ҳақида оғохлантиради. Тошкентдаги конференция, мутахассиснинг фикрича, Афғонистондаги вазиятга таъсир қила олиши мумкин бўлган деярли барча давлат ва тузилмаларни бир жойга тўплай олгани билан ҳам муҳимдир.

Экспертнинг қайд этишича, бугун мамлакатда юзага келган оғир вазият ҳамда турли таҳдидларнинг ортиб бориши фаол чора-тадбирларни амалга оширишни талаб қилади. "Шу маънода, бўлиб ўтган анжуман, — деб ёзади Удай Бхаскар, — мулоқотни бошлаш ҳақидаги таклифни "расмийлаштириш" ва келажақда бевосита музокаралар жараёнини бошлашга хизмат қиладиган механизм сифатида баҳоланмоқда". Мутахассис Ўзбекистон ташаббуси ҳамкорлар томонидан конструктив қўллаб-қувватланишига умид билдиради.

Анвар ММРЗАЕВ (Халқ сўзи) тайёрлади.

ЭКСПЕРТ ФИКРИ

МУЗОКАРАЛАР УЧУН ЯНГИ ПЛАТФОРМА

Пойтахтимизда "Тинчлик жараёни, хавфсизлик соҳасида ҳамкорлик ва минтақавий шериклик" мавзuidaги Афғонистон бўйича юқори даражадаги Тошкент халқаро конференцияси юксак савияда ўтказилди.

Ўзбекистон Республикаси Президенти Шавкат Мирзиёев ташаббуси асосида Афғонистон Ислоҳ Республикаси билан биргаликда ташкил этилган ушбу анжуманда давримизнинг энг ўтқир минтақавий ҳамда глобал муаммоларидан бири — Афғонистондаги қарама-қаршиликларга барҳам бериш, бу борада томонлар ҳеч қандай шартларсиз музокараларга киришиши масалалари муҳокама қилинди. Форум яқини бўйича мавжуд вазиятни ўнглаш йўллари татбиқ этишга қаратилган, прагматик руҳдаги Тошкент декларацияси имзоланди.

Айни пайтда жаҳоннинг таникли экспертлари билан бир қаторда, мамлакатимизнинг сиёсий доиралари вакиллари, таҳлилчилар мазкур анжуманинг аҳамияти, Тошкент декларациясидан қўллаётган натижалар ҳақида сўз юритишмоқда.



Ўзбекистон Республикаси Президентининг ФАРМОНИ

ЎЗБЕКИСТОН РЕСПУБЛИКАСИДА МЕВА-САБЗАВОТЧИЛИКНИ ЖАДАЛ РИВОЖЛАНТИРИШГА ДОИР ҚЎШИМЧА ЧОРА-ТАДБИРЛАР ТЎҒРИСИДА

Республикада ишлаб чиқаришни кенгайтириш, мева-сабзавот маҳсулотларини сақлаш, қайта ишлаш ва экспорт қилишга қаратилган комплекс чора-тадбирлар амалга оширилмоқда.

Мева-сабзавотчиликни интенсификация ривожлантиришга доир лойиҳаларни амалга ошириш учун экин майдонлари сезиларли равишда кенгайтирилди, мева-сабзавот маҳсулотларини сақлаш ва қайта ишлаш бўйича қувватлар ишга туширилди, молиявий ресурслар, жумладан, халқаро молия институтлари маблағлари фаол равишда жалб этилмоқда.

Шу билан бирга, хорижий мева-сабзавот маҳсулотлари бозорларидаги юқори даражадаги рақобат агро-техниканинг ҳамда ишлаб чиқариш ва маҳсулот етказиб бериш жараёнини бошқаришнинг замонавий услубларини жадал равишда жорий этишни талаб қилмоқда.

Бирок қатор салбий омиллар мамлакатимиз агроасаноат соҳаси салоҳиятидан самарали фойдаланиш ва уни ривожлантиришга тўсиқлик қил-

моқда. Улар жумласига қуйидагилар кирди:

Биринчидан, мева-сабзавот маҳсулотли ишлаб чиқарувчилари ва тайёрловчилари ўртасида мева-сабзавот экинлари бозорида харидорғир экинлар ва уларнинг навларини жойлаштириш масалаларида ўзаро ҳамкорликнинг бозор механизмидаги тўлиқ фойдаланмаслик;

Иккинчидан, тузилган шартномаларни ўз вақтида, сифатли, тўлиқ ёки мутлақо бажармаслик каби ҳаракатларда намоен бўлувчи кичик қишлоқ хўжалиги товар ишлаб чиқарувчилари томонидан шартнома интизомига риоя қилиш даражасининг пастлиги;

Учинчидан, қишлоқ хўжалиги меҳнатини механизациялаштириш, замонавий интенсификация, сувни тежовчи технологияларни жорий қилиш, уларни сақлаш ва транспорт-тировка қилиш, қишлоқ хўжалиги маҳсулотлари ишлаб чиқарувчиларининг мустақил равишда ташқи бозорга чиқиши учун молия ресурсларининг жамғариш учун қулай имкониятларнинг йўқлиги;

(Давоми 3-бетда).

Ўзбекистон Республикаси Олий Мажлиси Сенатининг ўн тўртинчи ялпи мажлиси тўғрисида АХБОРОТ



2018 йилнинг 29 март куни Тошкент шаҳрида Ўзбекистон Республикаси Олий Мажлиси Сенатининг ўн тўртинчи ялпи мажлиси ўз ишини бошлади. Унда Вазирлар Маҳкамасининг таклиф этилган аъзолари, вазирлик ва идораларнинг раҳбарлари, бошқа ташкилотлар, оммавий ахборот воситалари вакиллари иштирок этдилар.

Мажлиси Олий Мажлис Сенати Раиси Н. Йўлдошев олиб борди.

Сенаторлар ишни янги таҳрирдаги "Давлат мукофотлари тўғрисида"ги Ўзбекистон Республикаси қонунини кўриб чиқишдан бошладилар.

Таъкидланганидек, давлат мукофотлари рағбатлантириши олий шаклидир. Қонунга мувофиқ, Ўзбекистон Республикасининг давлат мукофотлари билан Ўзбекистон Республикаси фуқаролари, чет эл фуқаролари ва фуқаролари бўлмаган шахслар мукофотланиши мумкин. Қонунда Ўзбекистон Республикаси фуқаролари чет эл давлатларининг мукофотлари билан ҳам тақдирланиши мумкинлиги белгилаб қўйилган.

Қонунда давлат мукофотларининг турлари белгилаб берилган, "Ўзбеки-

тон Қаҳрамони" унвони, Ўзбекистон Республикасининг 34 та фахрий унвони, 11 орден, 4 та медал ва Ўзбекистон Республикаси Фахрий ёрлиги шулар жумласидан. Давлат мукофотларига тақдим этиш ҳуқуқига эга бўлган субъектлар доираси кенгайтирилган. Янги қонунга мувофиқ, бундан буён мукофотга тақдим этиш ҳуқуқига Ўзбекистон Республикаси Бош вазири, Судьялар олий кенгаши, Марказий банк, Давлат хавфсизлик хизмати, Ҳисоб палатаси, Марказий сайлов комиссияси раислари, шунингдек, давлат ва хўжалик бошқаруви органларининг, республиканинг бошқа муассасалари, нодавлат нотижорат ташкилотлари республика органларининг раҳбарлари эга бўлади.

(Давоми 4-бетда).

ЎЗБЕКИСТОН — КИРГИЗИСТОН:

ҲУДУДЛАРО ҲАМКОРЛИК МУНОСАБАТЛАРИ КЕНГАЙМОҚДА

Фарғонада Ўзбекистон Республикаси ва Қирғизистон Республикаси Бош вазирлари раислигида икки давлат чегарадош вилоятлари раҳбарлари кенгашининг биринчи йиғилиши бўлиб ўтди.

Ўзбекистон Республикаси Бош вазири А. Арипов ва Қирғизистон Республикаси Бош вазири С. Исаков мамлакатларимиз ўртасидаги стратегик шериклик муносабатлари, дўстлик, яхши ўқиниш ҳамда ўзаро ишончга асосланган ҳамкорликни

ривожлантириш ва мустаҳкамлаш борасида амалга оширилаётган ишлар янги босқичга кўтарилиганини таъкидлади.

Мамлакатимиз ўз ташқи сиёсатида, аввало, қўшни давлатлар билан муносабатларни ривожлантиришга

устувор аҳамият қаратмоқда. Кейинги пайтда Марказий Осиё мамлакатлари ўртасидаги шериклик алоқалари фаоллашаётгани бунинг ёрқин далилидир. Жумладан, Қирғизистон Республикаси билан ҳамкорлик янги мазмун билан бойиб бормоқда. Парламентлар, турли вазирлик ва идоралар, ҳудудлар ўртасида алоқалар тобора кенгаймоқда.

(Давоми 5-бетда).

